

Incumbensa Kleis-Kümin concernent l'examinaziun da las competenzas per las curatellas professiunalas sco er il repassament dals fatgs da rendaquint da las curatellas professiunalas

Sin basa da la lescha introductiva tar il cudesch civil svizzer èn ils fatgs tutelars vegnids organisads da nov er en il chantun Grischun. Il 1. da schaner 2013 han las autoritads per la protecziun d'uffants e da creschids (APUC) sco er las curatellas professiunalas (CP) cumenzà cun lur lavur. Ch'i po dar difficultads tar la realisaziun d'ina nova organisaziun cun novas structuradas e competenzas, è chapavel. Tant pli, sche la competenzaa vegn surdada ad in'organisaziun, da la quala las structuradas e las incumbensas n'èn betg anc regladas. Uschia è la gestiun da las CP ina incumbensa regiunala, malgrà che las incumbensas e las funcziuns futuras da las regiuns n'èn betg anc definidas. Tuttina è la gestiun da las CP gia vegnida surdada per part a las regiuns.

Finanziadas vegnan las CP tras las contribuziuns che las vischnancas pajan a la regiun ch'è competenta per la gestiun. I n'exista nagina regulaziun unitara davart la dumonda, sche las vischnancas duain mo finanzia in deficit u sch'ils custs duain vegnir adossads a las vischnancas tenor la lavur impundida per las clientas ed ils clients. Per mandatarias e mandataris privats vala ultra da quai in'otra regulaziun.

En il fratemp èn las novas autoritads en funcziun dapi bunamain 1 onn. I sa mussa d'ina vart ch'ils custs s'augmentan tendenzialmain, e da l'autra vart che las vischnancas n'han insumma nagina influenza sin il svilup dals custs, cumbain ch'ellas èn – sco purtadras da las regiuns – responsablas per finanzia las CP. Ils rendaquints da las CP vegnan controllads ed approvads da las APUC en in ritmus da 2 onns. Quai cun la consequenza ch'i dura fin 2½ onns, fin che las vischnancas survegnan il quint definitiv. Quai vul dir che las vischnancas ston far pajaments anticipads. Cur ch'ellas survegnan finalmain il quint, na pon ellas da lur vart praticamain betg pli controllar quel. Il medem vala dal rest per las clientas ed ils clients. Medemamain n'è in rendaquint betg pussaivel en la gulivaziun da las grevazzas senza custs pro cas. Qua exista in basegn d'agir.

In basegn d'agir exista dentant er tar las mesiras per la protecziun dals uffants. Ils custs da talas ston vegnir surpigliads da las vischnancas da domicil. Las vischnancas èn sezzas responsablas per pretender las contribuziuns dals geniturs per las mesiras. La cooperaziun da vart dals geniturs è minima en tals cas, ed il potenzial da conflicts è correspondentamain grond.

Tras la revisiun parziala da la lescha introductiva tar il cudesch civil svizzer è il dretg federal vegnì transferì sin ils chantuns. En il Grischun è la responsabladad vegnida repartida sin las APUC, ch'èn suttamessas al chantun, e sin las CP, ch'èn suttamessas a las regiuns. Tenor l'art. 43a da la constituziun federala duai la responsabladad finanzia sa chattar sin quel plaun che decida davart questa incumbensa e che chaschuna perquai er ils custs. Las CP lavuran per incumbensa da las APUC. Perquai na sa chatta l'obligaziun da finanziaziun betg tar las regiuns resp. tar las vischnancas, mabain tar il chantun. Las experientschas da l'emprim onn mussan er cleramain che la regulaziun actuala da las responsablads n'è betg acceptabla per las vischnancas a pli lunga vista.

La regenza vegn incumbensada d'elavurar ina soluziun ch'è supportabla per las vischnancas. Las competenzas per las curatellas professiunalas sco er ils fatgs da rendaquint duain vegnir examinads resp. repassads ed eventualmain reglads da nov per il 1. da schaner 2015.

Cuira, ils 4 da december 2013

Kleis-Kümin, Burkhardt, Albertin, Augustin, Berther (Mustér), Berther (Camischolas), Blumenthal, Bondolfi, Brandenburger, Caduff, Caluori, Casanova-Maron, Casty, Casutt Rénatus, Cavegn, Darms-Landolt, Dermont, Dosch, Fallet, Florin-Caluori, Foffa, Geisseler, Giacomelli, Grass, Gunzinger, Hardegger, Joos, Koch (Tumein), Kollegger (Malix), Lorez-Meuli, Mani-Heldstab, Märchy-Caduff, Meyer-Grass, Michael (Donat), Nick, Niederer, Nigg, Noi-Togni, Papa, Parolini, Pfäffli, Sax, Tenchio, Tomaschett-Berther (Trun), Trepp, Troncana-Sauer, Wieland, Degonda, Hauser, Patt